



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԼԽԱՎՈՐ ԴԱՏԱԽԱՁ

ՀՐԱՄԱՆ № 40

«07» 09 202 / թ.

ք. Երևան

ԱՊՕՐԻՆԻ ԾԱԳՈՒՄ ՈՒՆԵՑՈՂ ԳՈՒՅՔԻ ԲՈՒՆԱԳԱՆՁՄԱՆ
ՎԱՐՈՒՅԹԻ ՇՐՋԱՆԱԿՆԵՐՈՒՄ ԿՆՔՎՈՂ ՀԱՇՏՈՒԹՅԱՆ
ՀԱՄԱՁԱՅՆՈՒԹՅԱՆ ԿՆՔՄԱՆ ԿԱՐԳԸ ԵՎ ՕՐԻՆԱԿԵԼԻ ՁԵՎԸ
ՍԱՀՄԱՆԵԼՈՒ ՄԱՍԻՆ

Հիմք ընդունելով «Ապօրինի ծագում ունեցող գույքի բռնագանձման մասին» օրենքի 18-րդ հոդվածի 4-րդ մասը և ղեկավարվելով «Դատախազության մասին» օրենքի 9-րդ հոդվածի 2-րդ մասի 7-րդ կետով ու 30-րդ հոդվածի 3-րդ մասով՝

Հ ր ա մ ա յ ու մ ե մ՝

1. Սահմանել ապօրինի ծագում ունեցող գույքի բռնագանձման վարույթի շրջանակներում հաշտության համաձայնության կնքման կարգը՝ համաձայն հավելված N 1-ի (կցվում է):


2. Սահմանել ապօրինի ծագում ունեցող գույքի բռնագանձման վարույթի շրջանակներում կնքվող հաշտության համաձայնության օրինակելի ձևը՝ համաձայն հավելված N 2-ի (կցվում է):

3. Սույն հրամանն ուժի մեջ է մտնում հրապարակմանը հաջորդող օրվանից:

4. Սույն հրամանի կատարման վերահսկողությունն իրականացնում է Հայաստանի Հանրապետության գլխավոր դատախազի՝ ապօրինի ծագում ունեցող գույքի բռնագանձմանն ուղղված գործառույթների ոլորտը համակարգող տեղակալը:

5. Սույն հրամանի պատճենն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին և ավագ դատախազներին ու դատախազին, Հայաստանի Հանրապետության զինվորական կենտրոնական դատախազության բաժինների պետերին և ավագ դատախազներին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազներին, Հայաստանի Հանրապետության դատախազության գլխավոր քարտուղարին, Հայաստանի Հանրապետության գլխավոր դատախազի խորհրդականներին ու օգնականներին:

Ա. ԴԱՎԹՅԱՆ

A handwritten signature in black ink, appearing to read 'A. Davtyan', is written over a horizontal line. To the left of the signature is a large, stylized handwritten mark that resembles the number '1'.

Հավելված N 1

Հայաստանի Հանրապետության
գլխավոր դատախազի
2021 թվականի ապրիլի 8-ի
թիվ «40» հրամանի

Կ Ա Ր Գ

ԱՊՕՐԻՆԻ ԾԱԳՈՒՄ ՈՒՆԵՑՈՂ ԳՈՒՅՔԻ ԲՈՒՆԱԳԱՆՁՄԱՆ ՎԱՐՈՒՅԹԻ
ՇՐՋԱՆԱԿՆԵՐՈՒՄ ՀԱՇՏՈՒԹՅԱՆ ՀԱՄԱՁԱՅՆՈՒԹՅԱՆ ԿՆՔՄԱՆ

1. Սույնով սահմանվում է ապօրինի ծագում ունեցող գույքի բռնագանձման վարույթի շրջանակներում հաշտության համաձայնության կնքման կարգը:

2. Ապօրինի ծագում ունեցող գույքի բռնագանձման վարույթի շրջանակներում իրականացված ուսումնասիրությունը հաշտության համաձայնության կնքմամբ ավարտելու առաջարկով կարող է հանդես գալ թե՛ իրավասու մարմինը, թե՛ այն անձը, որին ենթադրաբար պատկանում է ապօրինի ծագում ունեցող գույք: Վերջինս նման առաջարկ կարող է անել նաև ներկայացուցչի միջոցով:

3. Ապօրինի ծագում ունեցող գույքի բռնագանձման վարույթը կարող է ավարտվել հաշտության համաձայնությամբ, եթե անձը, որին պատկանում է ապօրինի ծագում ունեցող գույքը, ներկայացնում է Օրենքով նախատեսված հայտարարագիր, որը համապատասխանում է Օրենքով և ՀՀ կառավարության՝ «Ապօրինի ծագում ունեցող գույքի բռնագանձման վարույթի ընթացքում ներկայացվող հայտարարագրերի նմուշային ձևը և լրացման կարգը հաստատելու մասին» 2020 թվականի դեկտեմբերի 10-ի թիվ 2044-Ն որոշմամբ (այսուհետ նաև՝ Որոշում) սահմանված պահանջներին: Այն պարագայում, եթե ներկայացված հայտարարագրում առկա են թերություններ (վրիպումներ, ոչ իրավաբանական անճշտություններ, թվաբանական սխալներ և/կամ նման այլ բացթողումներ) կամ անհամապատասխանություններ Օրենքով կամ Որոշմամբ սահմանված պահանջներին, ապա իրավասու մարմինը վերադարձնում է հայտարարագիրը՝ տրամադրելով անձին ողջամիտ ժամկետ դրանում առկա թերությունների և անհամապատասխանությունների վերացման համար:

4. Ապօրինի ծագում ունեցող գույքի բռնագանձման վարույթի շրջանակներում իրականացված ուսումնասիրությունը հաշտության համաձայնության կնքմամբ ավարտելու վերաբերյալ առաջարկը կարող է ներկայացվել ցանկացած պահի, սակայն հաշտության համաձայնություն կարող է կնքվել ուսումնասիրության արդյունքների վերջնական ամփոփումից և եզրակացության կազմումից հետո:

5. Այն պարագայում, երբ ապօրինի ծագում ունեցող գույքի բռնագանձման վարույթի շրջանակներում իրականացված ուսումնասիրությունը հաշտության համաձայնության կնքմամբ ավարտելու վերաբերյալ առաջարկով հանդես է եկել իրավասու մարմինը, ապա այն անձը, որին ենթադրաբար պատկանում է ապօրինի ծագում ունեցող գույք (նրա ներկայացուցիչը), կարող է ներկայացնել իր գրավոր համաձայնությունը հաշտության համաձայնության կնքման վերաբերյալ առաջարկի ներկայացումից հետո 1 ամսվա ընթացքում: Այն պարագայում, եթե անձը սույն կետով սահմանված ժամկետում չի ներկայացնում իր համաձայնությունը հաշտության համաձայնության կնքման վերաբերյալ, ապա համարվում է, որ անձը մերժել է տվյալ առաջարկը:

6. Այն պարագայում, երբ ապօրինի ծագում ունեցող գույքի բռնագանձման վարույթի շրջանակներում իրականացված ուսումնասիրությունը հաշտության համաձայնության կնքմամբ ավարտելու վերաբերյալ գրավոր առաջարկով հանդես է գալիս այն անձը, որին ենթադրաբար պատկանում է ապօրինի ծագում ունեցող գույք, ապա իրավասու մարմինը ստուգում է Օրենքով հաշտության համաձայնության կնքման համար սահմանված պայմանների պահպանվածությունը: Այն պարագայում, եթե պայմանները պահպանված չեն, իրավասու մարմինն առաջարկում է 10 օր ժամկետում իրականացնել համապատասխան պայմանների պահպանման համար անհրաժեշտ գործողությունները:

7. Կնքվող հաշտության համաձայնությունը պետք է առնվազն ներառի սույն հրամանի հավելված N 2-ով սահմանված պայմանները:

8. Հաշտության համաձայնության և դրա հավելված N 2.1-ի վերնագրերում, ինչպես նաև հավելված N 2-ի առաջին պարբերության վերևի հատվածում լրացվում են հաշտության համաձայնության հերթական համարը, ինչպես նաև կնքման տարին, ամիսը և ամսաթիվը:

9. Հաշտության համաձայնության առաջին պարբերության շրջանակներում լրացվում է իրավասու մարմնի կողմից համաձայնությունը ստորագրող պաշտոնատար անձի պաշտոնը, անունը, ազգանունը և հայրանունը: Համաձայնության երկրորդ պարբերության շրջանակներում լրացվում է այն անձի (նրա ներկայացուցիչի) անունը, ազգանունը և հայրանունը, որին ենթադրաբար պատկանում է ապօրինի ծագում ունեցող գույք:

10. Հաշտության համաձայնության 4-րդ պարբերության և 1.1. կետի շրջանակներում լրացվում են այն ապօրինի ծագում ունեցող գույքի բռնագանձման վարույթի նույնականացման տվյալները, որի շրջանակներում կնքվում է հաշտության համաձայնությունը:

11. Հաշտության համաձայնության 5-րդ պարբերության շրջանակներում լրացվում է անձի կողմից Օրենքի 16-րդ հոդվածով սահմանված կարգով և բովանդակությամբ հայտարարագիր ներկայացնելու տարին, ամիսը և ամսաթիվը:

12. Հաշտության համաձայնության և դրա հավելված N 2.1-ի «Կողմերի վավերապայմանները և ստորագրությունները» բաժնում լրացվում են անձի անունը, ազգանունը և հայրանունը, անձնագրային տվյալները, հաշվառման և փաստացի բնակության վայրի հասցեները (ներկայացուցչի առկայության դեպքում նաև ներկայացուցչի տվյալները), ինչպես նաև իրավասու մարմնի կողմից հաշտության համաձայնությունը ստորագրող պաշտոնատար անձի պաշտոնը, անունը, ազգանունը և հայրանունը:

13. Հաշտության համաձայնության հավելված N 2.1-ի շրջանակներում լրացվում են այն գույքի՝ դրամով արտահայտված շուկայական արժեքի տվյալները, որոնք հաշտության համաձայնությամբ անհատույց հանձնվում են Հայաստանի Հանրապետության սեփականությանը:

14. Իրավասու մարմնի կողմից հաշտության համաձայնությունը ստորագրում է ապօրինի ծագում ունեցող գույքի բռնագանձման գործերով վարչության պետը և ՀՀ գլխավոր դատախազի՝ ապօրինի ծագում ունեցող գույքի բռնագանձմանն ուղղված գործառույթների ոլորտը համակարգող տեղակալը:

15. Հաշտության համաձայնությունը Օրենքով սահմանված կարգով ներկայացվում է դատարանի հաստատմանը դրա կնքման պահից 3 աշխատանքային օրվա ժամկետում: Այն անձը, որին ենթադրաբար պատկանում է ապօրինի ծագում ունեցող գույք, դատարան ներկայացվող դիմումի շրջանակներում նաև հավաստում է, որ հաշտության համաձայնության մեկ օրինակը տրամադրվել է իրեն դրա ստորագրման օրը՝ հավաստված իր ստորագրությամբ:

Հավելված N 2

Հայաստանի Հանրապետության
գլխավոր դատախազի
2021 թվականի ապրիլի 7-ի
թիվ «40» հրամանի

Օ Ր Ի Ն Ա Կ Ե Լ Ի Ձ Ե Կ

ԱՊՕՐԻՆԻ ԾԱԳՈՒՄ ՈՒՆԵՑՈՂ ԳՈՒՅՔԻ ԲՈՆԱԳԱՆՁՄԱՆ ՎԱՐՈՒՅԹԻ
ՇՐՋԱՆԱԿՆԵՐՈՒՄ ԿՆՔՎՈՂ ՀԱՇՏՈՒԹՅԱՆ ՀԱՄԱՁԱՅՆՈՒԹՅԱՆ

ՀԱՇՏՈՒԹՅԱՆ ՀԱՄԱՁԱՅՆՈՒԹՅՈՒՆ N

ք. Երևան

ամսաթիվ

Հայաստանի Հանրապետության գլխավոր դատախազության ապորինի ծագում ունեցող գույքի բռնագանձման գործերով վարչությունը (այսուհետ նաև՝ Հայցվոր), ի դեմս

(համապատասխան պաշտոնատար անձի պաշտոնը և անուն, ազգանունը),

մի կողմից, և ----- (այսուհետ նաև՝ Պատասխանող) ի

(լրացնել անձի տվյալները)

դեմս նրա ներկայացուցիչ ----- մյուս կողմից,

(լրացնել անձի տվյալները)

ղեկավարվելով ՀՀ քաղաքացիական դատավարության օրենսգրքի 151-րդ հոդվածի, «Ապորինի ծագում ունեցող գույքի բռնագանձման մասին» օրենքի (այսուհետ նաև՝ Օրենք) 18-րդ հոդվածի 4-րդ մասի, 19-րդ հոդվածի կարգավորումներով, հիմք ընդունելով ապորինի ծագում ունեցող գույքի բռնագանձման ----- վարույթի

(լրացնել վարույթի տվյալները)

շրջանակներում կատարված ուսումնասիրության (այսուհետ նաև՝ Ուսումնասիրություն) արդյունքները և այն հանգամանքը, որ առկա են բավարար հիմքեր ենթադրելու, որ Պատասխանողին պատկանում է ապորինի ծագում ունեցող գույք, որի արժեքն ուսումնասիրության արդյունքներով գերազանցում է Օրենքի 24-րդ հոդվածի 1-ին մասով նախատեսված շեմը՝ 50 միլիոն ՀՀ դրամը, հաշվի առնելով, որ Պատասխանողն Օրենքի 16-րդ հոդվածով սահմանված կարգով և բովանդակությամբ -----

(լրացնել ամսաթիվը)

ներկայացրել է հայտարարագիր, կնքեցին սույն հաշտության համաձայնությունը (այսուհետ նաև՝ Համաձայնություն) հետևյալի մասին.

1. Համաձայնության առարկան

1.1. Կողմերը համաձայնում են ապօրինի ծագում ունեցող գույքի բռնագանձման

----- վարույթն ավարտել հաշտության համաձայնությամբ՝ սույն

(լրացնել վարույթի տվյալները)

Համաձայնությամբ նշված պայմաններով:

2. Գույքի փոխանցումը

2.1. Պատասխանողը Համաձայնությունը հաստատող վճռի օրինական ուժի մեջ մտնելու պահից Հայաստանի Հանրապետության սեփականությանն անհատույց հանձնում է հավելված N 2.1-ով նախատեսված գույքը (այսուհետ նաև՝ Գույք), որի արժեքը կազմում է ----- ՀՀ դրամ, որը կազմում է Ուսումնասիրության արդյունքների վերաբերյալ եզրակացության տվյալներով ենթադրյալ ապօրինի ծագում ունեցող գույքի արժեքի ----- տոկոսը¹:

3. Այլ պայմաններ

3.1. Սույն Համաձայնությունը, կողմերի իրավունքները և պարտավորությունները կարգավորվում և մեկնաբանվում են Օրենքին և Հայաստանի Հանրապետության գործող օրենսդրությանը համապատասխան:

3.2. Սույն Համաձայնությունը ենթակա է հաստատման դատարանի կողմից՝ Օրենքով և ՀՀ քաղաքացիական դատավարության օրենսգրքով սահմանված կարգով:

3.3. Պատասխանողը տալիս է իր անվերապահ համաձայնությունն առ այն, որ Համաձայնության՝ դատարանի կողմից հաստատումից հետո Գույքի նկատմամբ Հայցվորի նախաձեռնությամբ կիրառվեն ցանկացած տեսակի սահմանափակումներ, արգելանքներ, Հայցվորի կողմից կատարվեն գործողություններ Գույքը հոգուտ Հայաստանի Հանրապետության փոխանցելու ուղղությամբ:

3.4. Սույն Համաձայնությամբ չկարգավորված բոլոր հարցերը ենթակա են կարգավորման ՀՀ օրենսդրությամբ սահմանված կարգով:

3.5. Եթե Համաձայնության որևէ դրույթ ճանաչվում է անվավեր, ապա այդպիսի անվավերությունը չի հանգեցնում Համաձայնության որևէ այլ դրույթի վավերության վրա,

¹ Համաձայնությամբ Հայաստանի Հանրապետությանն ապօրինի ծագում ունեցող գույքը փոխանցվում է բնեղենով, իսկ եթե այդպիսի գույքը փոխանցվել է բարեխիղճ ձեռք բերողի, ծանրաբեռնված է այլ անձանց իրավունքներով, կամ այն անհնար է նույնականացնել, առանձնացնել կամ բռնագանձել, ինչպես նաև եթե այդպիսի առաջարկով է հանդես գալիս անձը, որին պատկանում է ապօրինի ծագում ունեցող գույքը, ապա Հայաստանի Հանրապետությանն է փոխանցվում դրա շուկայական արժեքը դրամով:

Հաշտության համաձայնությամբ չի կարող սահմանվել հոգուտ Հայաստանի Հանրապետության գույքի փոխանցման ավելի ցածր չափ, քան ուսումնասիրության արդյունքների վերաբերյալ եզրակացության տվյալներով ենթադրյալ ապօրինի ծագում ունեցող գույքի արժեքի 75 տոկոսը:

եթե Համաձայնությունը կարող էր կնքվել նաև առանց անվավեր մասը դրա մեջ ներառելու:

3.6. Կողմերը հավաստում են, որ սույն Համաձայնությունը կնքվել է առանց խաբեության, բռնության, սպառնալիքի ազդեցության ներքո, մեկ կողմի ներկայացուցչի մյուս կողմի հետ չարամիտ համաձայնության կամ ծանր հանգամանքների բերումով՝ ազատ կամարտահայտության սկզբունքով: Կողմերը նաև հավաստում են, որ ամբողջությամբ գիտակցում են Համաձայնության իմաստը և բովանդակությունը, դրանից բխող իրավական և գույքային հետևանքները:

3.7. Կողմերը հավաստում են, որ Համաձայնությունը համապատասխանում է Օրենքին, այլ իրավական ակտերին և չի խախտում այլ անձանց իրավունքները և օրինական շահերը:

3.8. Սույն Համաձայնությունն ուժի մեջ է մտնում Համաձայնությունը հաստատելու մասին վճիռն օրինական ուժի մեջ մտնելու պահից և ենթակա է կատարման: Համաձայնությունը կամովին չկատարելու դեպքում այն կատարվելու է ՀՀ ԱՆ դատական ակտերի հարկադիր կատարման ծառայության միջոցով՝ Համաձայնության դրույթները խախտող կողմի հաշվին:

3.9. Կիրառված հայցի ապահովման միջոցները ենթակա չեն վերացման, մինչև վճռի կատարումը:

3.10. Սույն Համաձայնության կնքման առնչությամբ առաջացած ծախսերը, այդ թվում՝ դատական ծախսերը, ինչպես նաև ուսումնասիրության իրականացման հետ կապված այլ ծախսերը կրում է Պատասխանողը, որը կազմում է -----:

3.11. Սույն Համաձայնությունը կազմված է հայերեն, 3 հավասարազոր իրավաբանական ուժ ունեցող օրինակից: Մեկ օրինակը հանձնվում է Պատասխանողին, մեկը՝ Հայցվորին, և մեկ օրինակ ներկայացվում է դատարան Օրենքով սահմանված կարգով հաստատման համար:

Կողմերի վավերապայմանները և ստորագրությունները

Հայցվոր

Պատասխանող

հավելված N 2.1

N ----- հաշտության համաձայնության

(լրացնել համարը)

(լրացնել կնքման ամսաթիվը)

2022

----- թվականի N ----- հաշտության

(լրացնել կնքման ամսաթիվը)

(լրացնել համարը)

համաձայնության շրջանակներում Պատասխանողի կողմից Հայաստանի
Հանրապետության սեփականությանն անհատույց հանձնվում է հետևյալ գույքը.

1. -----

2. -----

(լրացնել գույքի տվյալները)

Կողմերի վավերապայմանները և ստորագրությունները

Հայցվոր

Պատասխանող
